

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

Коми Республика мутасын пемӧсьясӧс видзан юкӧнын торья юалӧмьяс ладмӧдӧм йылысь

Примитӧма Коми Республикаса

Каналан Сӧветӧн

2023 вося урасьӧм тӧлысь 16 лунӧ

1 статья. Панас

1. Тайӧ Оланпасыс «Пемӧсьясӧс кывкутӧмӧн видзӧм йылысь да Россия Федерацияса торья оланпастэчас актъясӧ вежсьӧмьяс пыртӧм йылысь» Федеральной оланпас серти (водзӧ – Федеральной оланпас) ладмӧдӧ Коми Республика мутасын пемӧсьясӧс видзан юкӧнын торья юалӧмьяс.

2. Тайӧ Оланпасын вӧдитчан кыввежӧртасьясӧн да терминьясӧн вӧдитчӧны вежӧртасьясын, кутшӧмьясӧс урчитӧма Федеральной оланпасӧн.

2 статья. Коми Республика мутасын пемӧсьясӧс

видзан юкӧнын Коми Республикаса

Каналан Сӧветлӧн уджмогьяс

Коми Республика мутасын пемӧсьясӧс видзан юкӧнын Коми Республикаса Каналан Сӧветлӧн уджмогьяс лыдӧ пырӧны:

1) Коми Республика мутасын пемӧсьясӧс видзан юкӧнын Коми Республикаса оланпасьяс примитӧм да наӧ кутчысьӧм да найӧс олӧмӧ пӧртӧм бӧрся видзӧдӧм;

2) мукöд уджмог, кутшöмьясöс урчитöма Россия Федерацияса Оланподулöн, федеральной оланпасьясöн, Коми Республикаса Оланподулöн да Коми Республикаса оланпасьясöн.

3 статья. Коми Республика мутасын

пемöсьясöс видзан юкöнын Коми Республикаса

Веськöдлан котырлöн уджмогьяс

Коми Республика мутасын пемöсьясöс видзан юкöнын Коми Республикаса Веськöдлан котырлöн уджмогьяс лыдö пырöны:

1) пемöсьясöс видзан юкöнын Коми Республикаса олöмö пöртысь власьт органöс индöм (водзö – уполномочитöм орган);

2) пемöсьяслы лöсьöдöм приютьяслысь удж котыртöм да сэни пемöсьясöс видзан нормаяс серти Россия Федерацияса Веськöдлан котырён вынсьöдöм методической индöдьяс серти пемöсьяслы лöсьöдöм приютьяслысь удж котыртан пöрадоксö да сэни пемöсьясöс видзан нормаясö урчитöм;

3) кöзяинтöм пемöсьясöс видзöм серти удж збыльмöдöм серти Россия Федерацияса Веськöдлан котырён вынсьöдöм методической индöдьяс серти кöзяинтöм пемöсьясöс видзöм серти удж збыльмöдан пöрадок урчитöм;

4) Федеральной оланпаслöн 13 статьяса 8 юкөн серти гортса пемöсьясöс видзöм дорö, сы лыдын найöс гуляйтöдöм дорö, содтöд корöмьяс урчитöм;

5) пемöсьясöс видзан юкöнын динмуын канму контроль (дöзьöр) йылысь положение вынсьöдöм;

6) Россия Федерацияса оланпастэчас да Коми Республикаса оланпастэчас серти мукöд уджмог.

4 статья. Уполномочитöм органлöн уджмогьяс

Уполномочитöм органлöн уджмогьяс лыдö пырöны:

1) кӧзяинтӧм пемӧсьяслӧн да пемӧсьяслӧн, кодьясӧс кийн кутан инӧдысь пемӧсьяслӧн кӧзяинъясыс ӧткажитчисны, пемӧсьяслы лӧсьӧдӧм приютӧ воӧм йылысь содтӧд тӧдмӧгъяслысь лыддьӧг да «Ӧтуввез» юӧртан да телекоммуникация везйын тайӧ тӧдмӧгъяссӧ йӧзӧдан пӧрадок вынсьӧдӧм;

2) пемӧсьясӧс видзан юкӧнын дӧнмуын канму контроль (дӧзьӧр) збыльмӧдӧм;

3) Россия Федерацияса Везькӧдлан котырӧн вынсьӧдӧм методика индӧдьяс серти гражданаӧн олӧмлы либӧ дзоньвидзалунлы кӧзяинтӧм пемӧсьясӧн лектор вӧчӧмысь видзчысян пӧрадок урчитӧм;

4) пемӧсьясӧс видзан юкӧнын мукӧд уджмог збыльмӧдӧм, кутшӧмъясӧс Федеральной оланпасӧн да Коми Республикаса оланпастэчасӧн пыртӧма Россия Федерацияса субъектъяслӧн олӧмӧ пӧртысь власьт органъяслӧн уджмогъяс лыдӧ, Россия Федерацияса субъектлӧн медвылыс олӧмӧ пӧртысь канму власьт органлӧн уджмогъяс лыдӧ пыртӧм уджмогъяс кындзи.

5 статья. Бӧртас

1. Тайӧ Оланпасыс вынсялӧ 2023 вося косму тӧлысь 1 лунсянь.

2. Коми Республикаса Везькӧдлан котырлы примитны инӧда актъяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралысь

В.В. Уйба

Сыктывкар

2023 вося урасьӧм тӧлысь 28 лун

8-РЗ №